

中國方志叢書·華中地方·第四二四號

據

宋·凌萬頃撰
清宣統元年刊，彙刻太倉縣志

影印

江蘇省

玉峯志



54713
成文出版社有限公司印行



10097956

中國方志叢書·華中地方·第四二四號

據

宋·邊實撰
清宣統元年刊，榮刻太倉縣志

影印

江蘇省

玉峯續志

成文出版社有限公司印行

中華民國七十二年三月臺一版

玉峯續志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

王

二

王

王

王

王 卷
一 第
幾 續

郡縣必有志獨崑山無之豈前人之長不及此哉期會之事有急於此則謂之不急也亦宜然往無所稽來無所據識者每以爲歎永嘉項公出宰茲邑百廢具興一日下扣圖經事以萬頃嘗緝敘一二蓋略焉而未備也掌儀邊君尤厯於搜訪遂相與編次期年乃成本古經郡志所附而益以耳聞目見之可考者大概公之修創增益爲多昔人以笏比甘棠後之覽者猶笏然則是志爲不徒作矣博雅之士尙訂正之松蘿凌萬頃叔度書

玉峯志序

一

玉峯志淳祐辛亥五月修壬子二月刊於縣學預纂修者書氏名於後

迪功郎平江府崑山縣尉俞煒

迪功郎平江府崑山縣主簿施丙

迪功郎平江府崑山縣丞卜稷

迪功郎平江府崑山縣主簿吳堅

承事郎平江府崑山縣主管勸農公事兼主管運河堤岸搜捉銅錢下海出界專一點檢圍田事兼弓手寨兵軍正項公澤

玉峯志序

二

崑山爲吳壯邑地險而俗勁田多而賦重凋弊積有年矣故於稽古載籍之事多缺焉考之吳郡志雖附書二三其詳不可得而聞公澤承乏學製每與鄉校諸友議斯缺典欲網羅補苴然方有公事未皇也直學凌君掌儀邊君俱有俊譽慨爲己任搜訪掇拾斯已勤矣地理標名財賦之件目嘗與參訂至若廢置因革人物異閭視昔爲詳將求印證於多識前言往行者俄及瓜懼失其傳而二君之勞孤矣始鈐諸梓以埃方來庶知今者果不謬古者猶可質云適祐壬子中和節東嘉項公澤謹跋

玉峯志跋

一

凡例

凡事舊在崑山而今在嘉定者以今不隸本邑今皆不載

凡碑記現存者書其名不載其文不存者載其文

凡事有吳郡志所載與今所修不同者以今所聞見無異者脩

凡敘人物有本邑人而今居他所本非邑人而今寓居者今皆載

凡事有重見者止載一處餘書見某門更不重載

玉峯志凡例

一

玉峯志目錄

陽羨凌 萬頃 陳留邊 實

卷之上

起例 縣境圖 縣郭圖

馬鞍山圖 沿革 縣境地里

四至八到 鄉鎮 城社

山崗墩墟 水 風俗

戶口 學校 坊陌橋梁

營寨

卷之中

玉峯志目錄

公宇 稅賦 課利

官租 縣令題名 名宦

進士題名 人物氏族

卷之下

古蹟古事 土產 封爵

寺觀 祠廟 園亭

異聞

玉峯志目錄終

肇庆分校建校二十周年纪念册

肇庆分校建校二十周年纪念册

肇庆分校建校二十周年纪念册

肇庆分校建校二十周年纪念册

肇庆分校建校二十周年纪念册

玉峯志卷之上

陽羨凌萬頃 陳留邊實

沿革

望崑山縣古婁縣也在禹貢爲揚州之域在周爲吳秦併天下分郡三十六始置會稽郡漢因之婁縣隸焉王莽改曰婁治後漢晉宋齊皆曰婁屬吳郡吳志張昭陸遜皆封婁侯今縣東北三里有村曰婁縣蓋古縣治也梁天監中分婁縣置信義縣屬信義郡大同初郡廢復分信義置崑山今縣西二十里有村曰眞義豈亦古縣治所寓後訛信爲眞耶隋平陳省吳州七縣崑山預焉

玉峯志卷之上

開皇十八年復置唐五代至

皇朝皆因之縣有山曰崑山陸機宅於山之陰縣本因山得名今山乃在華亭而陸氏後又居嘉禾按唐天寶間始立華亭縣本崑山縣地輿地記吳郡太守趙居貞奏割嘉興海鹽崑山三縣地爲華亭縣元和郡國志由是崑山有縣之名而山實在華亭今隸境者乃馬鞍山也故自婁縣而分信義自信義而分崑山又自崑山而分華亭至今猶號壯縣則昔之廣袤尤可想見縣鄉一十四都五十二嘉定十年知府趙彥搆提刑王棐奏分安亭春申平樂醋塘臨江五鄉爲嘉定縣今所管者九鄉二十

四保而已以上並以前後漢晉宋齊梁陳隋唐書通鑑三國志五代史修

縣境

東西六十三里

南北一百三十里

縣郭

東西三里三十步

南北二里一百八十步

四至八到

東至嘉定縣界三十六里

西至長洲縣界二十七里

玉峯志卷之上

南至嘉興府華亭縣界八十里

北至常熟縣界五十里

東南到嘉興府華亭縣界一百里

東北到通州海門縣界一百五十里以海爲界

西南到長洲縣界五十里

西北到長洲縣界六十里

鄉鎮

積善鄉在縣西南三里界止三十六里

第一第二保

朱塘鄉在縣西一十五里界止四十里

第三第四保

全吳鄉在縣西南三十里界止七十里

第五第六保

沅川鄉在縣東南五十里界止九十里

第七第八保

武元鄉在縣東南二十五里界止三十里

第九第十保

永安鄉在縣東四十五里界止五十里

第十一第十二第十三第十四保

湖川鄉在縣東七十里界止一百里

玉峯志卷之上

第廿一第廿二保

新安鄉在縣東北八十里界止一百一十里

第廿三第廿四第廿五第廿六保

惠安鄉在縣東北三十里界止七十里

第廿七第廿八第廿九第三十保

崑山鎮在縣東南一里後廢今薦嚴資福寺即故基

城社

按古圖經云縣故有城在東南三百步然今縣境無城以竹木爲柵相傳婁縣猶有城基其田尙有城裏田之稱墟落間以城名者舊有十二今可知者七爾東城在

縣東三百步城雖莫考今橋巷猶以東城爲名吳志云耕耨於東寺後多得古城磚及銅箭鏃

武城在縣西北里漢書婁縣注云有南武城闔閭起以候越今其地疑卽是

金城在縣東三里城基猶存相傳云吳王所築今猶有金城浦之稱

常熟故城在縣東一百三十里梁以南沙爲常熟縣因築城高一丈厚四尺周迴二百二十步唐武德七年移

縣治海虞鄉城遂不存度城在縣東南七十里相傳黃巢時所築今城雖不存

玉峯志卷之上

猶有城濠及掘地間得城磚

西鹿城卽今土山山下有小將軍廟墓碑云死葬於西鹿城

巴城在縣西北十八里其地有巴王墓莫詳其因

雉城在縣西北十八里

東林城在縣北十八里

顏縣城 瓦浦城並古經所載

社壇在縣西南二百六十步清祐壬子知縣項公澤重修仍建齋宮有記

山 墩墟崗

吾邑因山得名玉出崑崙蓋所以比機雲也今山隸華亭邑所有山實名馬鞍近年以來得石鑲之則瑩潔之態儼與玉同得非地因人勝而馬鞍山可以出玉耶當有機雲若人者出庶不負此山

古崑山在縣東南高一百五十丈周迴八里陸機居此山機思鄉詩云彷彿谷水陽婉變崑山陰今屬華亭縣馬鞍山在縣西北三里高七十丈山上下皆擇勝爲僧舍雲窗霧閣閒見層出不可形容繪畫吳人謂真山似假山最得其實大畧見張祐孟郊詩及蓋嶼所作圖序皇祐中王荆公以舒倅被旨來相水利夜秉炬登山閱

玉峯志卷之上

五

張孟詩和之遂爲山中四絕登臨勝處古上方爲冠月華閭妙峯菴次之山中又有翠微連雲凌峯垂雲凌虛疑雲諸閣及芝華豐年凌虛諸亭夕秀壓雲翠屏翠篴留雲諸軒名公各有詩見雜詠淳熙閒月華先焚上方次之今或存或廢者不一

土山在縣西北一里周迴一里高三丈又名南山上有卜將軍廟詳見祠廟門

秦柱山在縣南二十里南帶海上有烽火樓基吳時以望海寇吳錄云名秦望山昔秦始皇嘗登此望海今在千坡寺佛殿後高二丈

媯婦山在縣東十八里周迴四十步高一丈五尺上有媯婦廟今大駟村有媯廟山不存

趙靈山在縣西南三十里吳淞江南興福寺佛殿後高一丈五尺

馬鞍山之西坡田中有石湧出高六七尺上亦有古樹父老相傳此是崑山不知何所據姑存以俟質證

綽墩在縣西十八里古老相傳唐黃幡綽墓在焉因名綽墩

青墩在縣西北十里

塘墩在縣東北里大海橫沖之口

玉峯志卷之上

本

尖墩在縣東六里

天女墩在縣東南十八里地名洪莊村墩上下皆茅葦惟中間一路若有人行者雖植草不生相傳有天子之女葬於此墩莫詳世代墩中有金龍舟每風雨夕卽聞金鼓聲有一村民夜過其處見所謂龍舟者攫取之僅得一人像長可尺許旣歸卽大病復取所攜像置水濱明旦起不見病亦尋愈嘗有强暴者欲發視爲毒蜂飛火逐不果

縣東北三十里地名木瓜其地數十里內有墩九百九十有九村人嘗往發之得金玉之類至縣東南千墩浦

亦有一墩於是湊木瓜墩數號千墩浦一說吳淞江自吳門至千墩浦江之南北凡有墩共一千所故謂之千墩二說未知孰是姑存以俟來者質證之

戴墟在縣西三十里

丁墟在縣東南二十里本名兵墟吳國嘗屯兵於此故曰兵墟今俗訛爲丁墟非也

高墟在縣西十五里今盛氏園中有小山高丈餘中亦隱隱有名

石墩在縣東南六十里

十八里墩在縣南一十八里至和塘傍

玉峯志卷之上

七

廟墩在縣西南一十二里

湯墩在縣東南六十里

唐墩在縣東南三十六里吳松江之南與海口之塘墩名同而地異

相墩在縣西南二十五里

長墩在縣西北十五里

青崗在縣東北四十二里

五家崗在縣東北五十二里莫詳五家之因今村落中實爲大姓恐以五賈名崗亦未可知

吳郡志攷證外崗青崗五家崗蒲崗屬崑山以證舊經

之誤今外崗蒲崗又分屬嘉定云

邑自太倉以東有所謂岡身曰太倉岡身上岡身下岡身歸胡岡身岡身官路凡有五岡身又有所謂岡門曰彭岡門潘岡門曲岡門大岡門秦岡門應岡門馮岡門金岡門賈岡門邵岡門吳岡門顧岡門丁岡門凡有十四岡門其地勢皆高峻與常州地形相等或謂岡身有路直通南京今止聞歸胡岡身之稱未知孰然當必有博古君子爲之辨證云

水

玉峯志卷之上

八

吾邑素號澤國襟江帶湖朝宗于海而潮汐又往來於旦晝故雖閒有水旱而田無不登比年以來豪家勢戶圍田湖中者大半而江湖傍諸浦多爲堰以阻其流由是水勢不相入中閒屢嘗開發而淤堰如故識者皆病之若至和一塘由是以達郡者其壅塞尤甚疏而通之當必有爲國家任事者出云

吳松江在縣南九里古禹貢三江之一也書曰三江既入震澤底定韋昭以爲三江者松江浙江浦陽江也今浙江與浦陽江不相入韋說非也史記正義謂三江者在蘇州東南三十里名三江口一江西南上七十里至太湖名曰松江古笠澤江一江東南上七十里白蜆湖

名曰上江亦曰東江一江東北下三百餘里入海名曰下江亦曰婁江於其分處號三江口顧夷吳記云松江東北行七十里得三江口東北入海爲婁江東南入海爲東江并松江爲三江口是則今所謂吳松江乃古婁江也然有新舊江之別嘉祐間吳中水災時李兵部復圭爲轉運使韓殿省正彥崑山開白鶴匯如盤龍匯之法知承沈某畧灣取直以開新江邑舊有所謂臨江鄉今隸嘉定者是也江之勢東入于海西入于松江太湖湖南入于陳湖等瀆北入于鰻鯉湖等瀆江之南北隸於邑者凡有大浦四十四隸他邑者不在焉南則有石

玉峯志卷之上

九

浦道謁浦蕭市浦金竈浦千墩浦洼浦張潭浦棠梨浦同工浦諸天浦張浦凡規浦六直浦甫里浦渡頭浦東齋浦刹力浦界浦北則有界浦眞義浦黃濱浦薛莊浦樂浦心濱浦華翔浦梁里浦大虞浦小虞浦社城浦廣浦馬仁浦天明浦下駕浦木瓜浦顧幕浦金城浦三林浦瓦浦北矮浦徐公浦安亭浦顧浦又有小港支派入於江湖者不一也
新洋江在縣東南六里本有故道錢氏時嘗浚治之其源出于松江而其流溉於岡身中有橫塘通小虞浦其餘支派皆通運河

陽城湖包湖傀儡蕩三水合爲一在縣西北三十里其所通之浦凡十曰吳涇眞義浦黃浦朱昌涇則在其南曰張茜涇上元巴城涇雒城涇則在其北自尤涇雒城涇入于大虞梁里浦則南入于松江諸湖瀆惟此最廣百家瀆大泗瀆二水合爲一在縣北十八里南自新洋江入于松江西自牛尾涇清水港櫻桃塘入于鰻鯉瀆東自岳力湖川塘會于鴨頭塘直入于海肚漕涇對張涇入于岡身有百家瀆詩見雜詠
鰻鯉湖在縣西北十八里南入于小虞浦北入于江家瀆西亦可入陽城湖

玉峯志卷之上

十

江家瀆在縣西北二十里在鰻鯉湖北
鰻山湖在縣東南八十里自北磧澳塘入千墩浦入于吳松江
陳湖在縣西南七十里北自界浦渡頭浦入于吳松江
朱窠瀆在縣南三十里北自東宿西宿兩浦會于棠梨浦入于吳松江
度城湖在縣東南七十里北自石浦道謁浦蕭市浦入于吳松江
小虞浦在縣西柵外已附見於吳松門入郡而趨江者由是而往與新洋江相對於松江之西北諸塘浦惟此

最深闊

至和塘自縣西柵至界首凡二十七里舊名崑山塘從古爲湖濶多風濤 本朝至道中邑人朱珏父子嘗論其事太守陳令公嘗按行之以費浩不果皇祐中發運使許公嘗建此議朝廷差殿中丞王安石相視又會事不果至和二年知縣錢公紀始修治成塘遂以年號名之崑山塘北納陽城湖南吐松江由隄防之不立故風波相憑以馳突廢民田以瀦魚鼈其民病賦入之侵蝨相從逋徙姦人緣之以邀劫行旅通鹽賈以自

玉峯志卷之上

十一

利吏莫能禁父老相傳自唐至今三百餘年欲有營作而弗克也有宋至道二年陳令公之守蘇嘗與中貴人按行之邑人朱珏父子相繼論其事爲州縣者亦繼經度之皆以橫絕巨浸費用十數萬緡中議而阻皇祐中發運使許公建言蘇之田膏腴而地下嘗苦水患乞置官司以吠洩之請今舒州通判殿中丞王安石先相視焉朝廷從之王君既至從縣吏拏荒梗浮傾沮訊其鄉人盡得其利害度長繩短順其故道施之圖繪疏曰請議如許公朝廷未之行也至和初今太守呂公既下車問民所愁苦蓋有意於疏導

玉峯志卷之上

十二

矣明年與權爲崑山簿始陳五利一曰便舟楫二曰闢田疇三曰復租賦四曰止盜賊五曰禁姦商其餘所濟非可以勝擬願約故制役民以興作經費寡而售效速若其不成請以身塞責旣而令錢君復言之太守嘗念所以興利之計喜其謀之叶從於是列而上聞其副以決於監司乃誠庸力經遠邇興屯舍宿餼薪旣成以授有司郡相元君實總之粵十月甲午治役先設外防以遏上流立橫塘以限之乃自下流浚而決焉畚鍤所至皆于平陸其始戒也猖風號霾迅雷驟雨乃用牲于神至癸巳夜半雨息逮明休霽以卒其役人皆以爲有相之者始計月餘蓋旬有九日而成深五尺廣六十尺用民力纔一十五萬六千工費民財若干貫米纔四千六百八十石爲橋梁五十二蒔榆柳五萬七千八百其貳河植茭浦茨渠稱是計其入以爲修完料民之餘治小虞自嚴村至于鰻鱺瀼治新洋江自朱瀝至于清港治山塘自山南湖瀼皆通而及江田無滯瀦民不病涉矣初治河至唯亭得古閘用柏合抱以爲楹蓋古渠況今深數尺設閘者以限松江之潮勢耳耆舊莫能詳之嗚呼爲